

開放文學 – 神鬼仙俠 – 東遊記 五二 龍王水灌八仙

卻說八仙燒乾東海，奪得龍宮，見其中富貴非常，珍寶滿地。入後宮觀看，只見所失玉板亦在，眾仙得之大喜。各相謂曰：“此畜富貴如此，何不知足，奪此玉板何用？今日國破人亡，果是自作孽，不可活也。”言論之間，不覺天晚。眾仙戰鬥困倦，皆曰：“便在此處一宿。明日早赴龍華。”言罷眾仙皆睡。果老終是春秋高大，更兼有事在心，夜臥不寐，醒至四更，聽得外面轟轟有砲響，謂眾仙曰：“外面人聲大作，想有敵兵復來，可作準備。”眾曰：“彼已大敗，安敢再來？”鐵拐曰：“兵法有虛有實；善戰者敵不其守；善守者敵不知其所攻。”又雲：“攻其無備，出其不意。’此數者皆兵家之所不可忽者也。況彼素善於水，而吾儕又居海下，倘決水一灌，不其皆為魚鱉乎？”鐘離猛省曰：“此言極是。”急令洞賓出視，未及回報，只見一聲砲響，喊殺震天，四面潮頭，如山似練，滾滾而來。八仙急欲登岸，並無去路，舉火燒海，水氣從上逼下，火皆無光，水溺至身，無計可脫。正在驚慌，只見國舅一人不溺，行即水開，往即水止。眾視之，其腰間寶帶，乃關水犀為的。眾仙大喜曰：“孰此可復此仇矣。”乃各取其犀帶一片在乎，水即分開一路，眾仙登岸逃出。

四海龍王督兵決水，專待八仙溺水擒獲報仇。但見水溺東洋，並無八仙動靜，皆以為溺死海中。敖閏報令收兵，乃與三海龍王相會，致謝救援之意。東海龍王亦自向前答謝，傳令宮中備下筵席，款待三位龍王，須臾完備，四海龍王皆入宮飲宴去了。